



Broj/Број: 01,03,03/11-05-76/08  
Sarajevo/Сарајево: 23. 1. 2009. godine

**KOLEGIJU OBA DOMA PARLAMENTARNE SKUPŠTINE BIH**

**GRUPI PRIJATELJSTVA PSBIH SA ZEMLJAMA  
CENTRALNE I ISTOČNE EVROPE**

**KOMISIJI ZA VANJSKE POSLOVE PSBIH**

**KOLEGIJU SEKRETARIJATA**

**MINISTARSTVU VANJSKIH POSLOVA BIH**

**Predmet: Izvještaj o službenoj posjeti članova Grupe prijateljstva  
Parlamentarne skupštine BiH Republici Turskoj**

Delegacija Grupe prijateljstva Parlamentarne skupštine BiH s Republikom Turskom boravilo je, od 16. do 20. januara 2009., u službenoj posjeti Istanbulu i Ankari. U delegaciji su bili:

1. Šefik Džaferović, predsjedavajući Grupe prijateljstva PSBiH s Republikom Turskom
2. Branko Zrno, član Grupe prijateljstva
3. Slobodan Šaraba, član Grupe prijateljstva
4. Marina Mijačević, sekretar Grupe prijateljstva.

Sastancima u Ankari prisustvovala je i gđica Miljana Ždrale, otpravnik poslova u Ambasadi BiH u Ankari, dok su delegaciju u Istanbulu pratili Brane Pećanac, generalni konzul, i Nidžara Ercan, konzul u Konzulatu BiH u Istanbulu.

Početak službenog programa u Ankari počeo je polaganjem vijenca u Mauzoleju Mustafe Kemala Atatürk i upisivanjem u knjigu počasti, nakon čega se delegacija susrela s gosp. Feyzullahom Kiyklikom, predsjedavajućim Grupe prijateljstva Velike turske narodne skupštine s BiH, i gosp. Muratom Mercanom, predsjedavajućim Komiteta za vanjske poslove.

Na početku predstavljanja oba domaćina poželjeli su dobrodošlicu i ugodan boravak u Republici Turskoj. Izrazili su nadu da je ovo samo prva u nizu posjeta koje će uslijediti u okviru saradnje između grupa prijateljstva dvije zemlje. Istaknuto je prijateljska atmosfera u Republici Turskoj, s puno simpatija prema BiH, jer ove dvije zemlje veže zajednička prošlost, ali i tradicionalno dobre prijateljske veze. Na

sastancima je konstatirano da su odnosi između dvije zemlje na izvanrednom nivou i bez otvorenih pitanja, ali da na ekonomskom planu saradnja može i treba biti još bolja. Naglašena je spremnost turskog naroda da pomogne svim narodima Bosne i Hercegovine. Posebno je naglašena podrška Republike Turske Bosni i Hercegovini na njenom evropskom putu i NATO-u. Skrenuta je pažnja na administrativne prepreke u BiH kada je u pitanju investiranje poduzetnika, te izražena nada da će one biti što prije otklonjene.

Članovi delegacije PSBiH zahvalili se na gostoprimstvu i izrazili zadovoljstvo posjetom. Saglasili su se s mišljenjem da su odnosi između dvije zemlje odlični, ali da ekonomski odnosi mogu biti još bolji. Zamolili su članove Grupe prijateljstva Parlamenta Republike Turske da među poduzetnicima promoviraju ideju i podstiču investiranje u BiH. Izrazili su uvjerenje da će saradnja dvije grupe prijateljstva donijeti pozitivne rezultate te uputili poziv Grupi prijateljstva Parlamenta Republike Turske da posjeti BiH. Zahvalili su se turskom narodu za sve što je činio i čini za narod Bosne i Hercegovine, iskazujući zadovoljstvo činjenicom da je Turska spremna pomoći Bosni i Hercegovini. Zahvalili su se na podršci za integraciju Bosne i Hercegovine u NATO i EU.

Za vrijeme boravka u Istanbulu delegacija je imala priliku susresti se s gradonačelnikom Istanbula gosp. Kadirom Topbasom. Gosp. Topbas se zahvalio na posjeti te istaknuo da BiH i Turska imaju zajedničke interese i tradicionalno dobre odnose koji se moraju još više produbljivati i unapređivati, posebno kada je u pitanju ekonomska saradnja.

Izveštaj pripremila

Izveštaj odobrio

Marina Mijačević

Šefik Džaferović

**Kopija:**

- **Sektoru za međunarodne odnose i protokol**
- **Odjelu za informacije i dokumentaciju**
- **a/a**

